



Universitätsbibliothek Paderborn

**Avla ... Thesavrorm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 51. Bonum erat ei, si non esset natus homo ille. v. 21.

urn:nbn:de:hbz:466:1-45533

ex Matia Virgine: non enim hominem reparare potuit nudus homo, qui & ipse esset peccatis obnoxius & debitor Deo pro suo proprio peccato, ex quo displicebat diuinæ Maiestati, omnes enim peccauerunt ait Paulus & egent gratia Dei: neque hanc redēptionis humānæ & economiam subire debuit Deus putus, qui non offendebat: sed erat pars lēsa: neque Angelus quia non habet proportionem ad satis faciendum pro tam magno malo hominum omnium qui peccauerant: id est, non potuit Angelus huiusmodi satisfactionem condignā Deo exhibere, quia non habet Angelus in se dignitatem quantam requirit tota humana natura, quæ auerfa à Deo, debuit reduci per aliquid ei præponderans, dignius & perfectius, quam sit tota generis humani propagatio. In hac igitur ineffabili unitate Trinitatis, cuius in omnibus communia sunt opera atque iudicia reparationem humani generis propriè filij persona suscepit, ut quoniam ipse est, per quem omnia facta sunt, & sine ipso factum est nihil (quippe plasmatum de limo terræ hominem, statu vitæ rationalis animauit) idem naturam nostram ab æternitatis arce deiecit, amissæ restituebat dignitati, & cuius erat conditor etiam esset reformator: Bene igitur tanta persona Traditori suo minata est, & ob enormē crimen, horribile & tremēndūm vñ.

O Altissime & Omnipotens Creator quid hic dicam? obsecro te ne audiām unquam ex te æternū Vñ, sed ut hoc audire non merear, dā obsecro gratiam ne vel Te vel Sancta tua indigne usurpando unquam prodam. Sed cor meum omni qua possum facultate te laudet, tibi gratias agat impendioq; exultet spiritus meus in laude tua & te magnificet anima mea quia gratia tua magna est super me, & super omne quod est homo, quod Saluator eius effectus sis, homo Deus.

§. 51. Bonum erat ei, si non esset natus homo ille. v. 27.

Propter illud impendens Vñ. bonum erat ei natum non esse, quia melius est individuo non esse quam tam male esse nempe æternū in inferioribus terræ partibus occulsum, vbi sempiternus horror inhabitat nulla lux, dies nulla, tempus nullum, nulla quies, gaudium nullum, nulla redēptionis spes, nulla fides, spes aut charitas; consilium nullum, intellectus confusus, voluntas pessima, sola deplorandorum memoria, ignis ardentissimus, sulphure & pice accensus, intolerabilius glacie frigus, nullus ordo, clamor immanis, continuus ciuitatus & ploratus, maledictiones in Deum sanctos & parentes, & socios peccatores, desperationis signa plurima, contumeliaz, horribiles dæmonum aspectus, verberationes, illusiones, & punēturæ: per quæ enim quis peccauit per hæc & punietur à Carnificibus illis infernalibus imo à se ipso sine cessatione aut mora in sempiternum.

Opus

Opœnæ, ô æternitas miserabilis! Hæc considera, ô anima inhærens peccatis, & age pœnitentiam in tempore opportuno, ne Deus, iusto suo iudicio, te eodem permittat introire. Memento ergo Domine quæ in mea substantia, memento quia terra sum, operi manuum tuarum porrigit dexteram, Consule infirmæ materiae, succurre carnali fragilitati, infime conditioni pateat regreslus salutis, pateant aures tuæ misericordiæ indignis supplicationibus meis. Sana Domine vulnera mea, solue priusquam monas meorum vincula peccatorum.

§. 52. Et manducantibus illis accepit Iesus panem. v. 22.

Dum adhuc accumberent mensæ quæ ad naturæ susceptionem corporalem exhibita est eis, & in ea manducantibus discipulis, accepit Iesus panem viualem eius loci ut in eo sineret legem testamenti veteris, & inchoaret novum testamentum in sanguine suo, & sic instituit Alteram canam animæ spiritualem dicto corpore & sanguine suo in remissionem peccatorum; vt Sacerdos secundum ordinem Melchisedech.

O Stupenda sapientia Dei quæ hinc subtilem & latutarem nostra pro salute modum instituit & sanciuit! O incomprehensibilis bonitas Dei quæ sublimia charitatis opera nostræ salutis causa perfecit. O salutaris etsi per quam filii hominum transeunt in filios Dei per quam humanitas absorbetur, & Deus in manducante permanet: Da gratiam mihi peccatorum qui me elegisti in tuum Sacerdotem vel Commensalem ad tractandam & ministranda Sacra menta corporis & sanguinis tui, nunquam erremus in forma siue materia, nec præparatione nec administratione, oblatione, sumptione, quo citra condemnationem particeps semper fiam sancti corporis & pretiosi sanguinis tui in remissionem peccatorum & vitam æternam.

§. 53. Et benedicens fregit. v. 23.

Benedixit panem ut eum sanctificaret, tantoque mysterio præpararet: & discipulos suos doceret sanctificandum esse prius per præparationem quasdam quæ Deo sunt exhibenda, ita ut omni indignite, labe & immunditia tanto Sacramento contrarijs careant. Vnde patet quam sit impia locta Calviniana seu Reformata, quæ in sua formula cœnæ Germanicæ Antwerpianæ edita, ante sumptionem panis sui cœnatici, excommunicat & mathematizat, omnes qui aliquam creaturam benedicunt. Hi enim Christum Dominum benedicentem pani à sua cœna manifeste excludunt. O impietas! fregit porro panem ad indicandam mortem suam, qua corpora ab anima eius paulo post diuidendum erat. Pythagoras dicere solebat præ-